

O‘z vaqtidalik

44. Agar axborot o‘z vaqtida taqdim etilsa, u foydali hisoblanadi. Agar moliyaviy hisobotlar foydalanuvchilar tasarrufiga tuzilgan vaqtdan keyin oqilona vaqt ichida taqdim etilmasa, ular o‘zining foydaliligini yo‘qotadi. Hisobot axborotlari asossiz ravishda ushlab qolinsa, u o‘z ahamiyatini yo‘qotishi mumkin. Xo‘jalik yurituvchi sub’yekt mazkur BHMSning [62](#) — [65-bandlarida](#) ko‘rsatilgan muddatlarda moliyaviy hisobotni tuzishga qodir bo‘lishi kerak. Hech qanday omillar, hatto xo‘jalik yurituvchi sub’yektning operatsiyalari murakkabligi ham hisobotni vaqtida taqdim etishga qodir emasligi sababi sifatida foydalanilmaslik kerak.

Moliyaviy hisobot e‘lon qilish «Buxgalteriya hisobi to‘g‘risida»gi O‘zbekiston Respublikasi [Qonuniga](#) muvofiq amalga oshirilishi kerak.

45. Agar hisobotni tuzish va taqdim etish uning hamma jihatlari ma‘lum bo‘lgan paytgacha kechiktiriladigan bo‘lsa, eng ishonchli axborot ham kam foyda berishi mumkin, chunki foydalanuvchilar oldinroq qaror qabul qilishga majbur bo‘ladi. Ahamiyatlilik va ishonchlilik o‘rtasida muvozanatga erishish maqsadida iqtisodiy qarorlarni qabul qilishda foydalanuvchilarning talablarini qanday qilib yaxshiroq qanoatlantirishni hal etish kerak.